

13. maj 2019

UPA2019/189

Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalernissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiffigisassaatus siunnersuut. Misissuineq ukioq 2019 naatinnagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.

(Inatsisartunut ilaasorta, Doris J. Jensen, Siumut)

Siumut sinnerlungu siunnersuuteqartoq saqqummiusnaanut qutsavingaarput.

Siunnersuut nunatsinni nunaqarfiit tamaasa aallaavingalugit suliarissangaanni, siullermik nunaqarfinni innutaasorpasuit siumumiik qutsavissaraavut tunniusimalluinnarlutik nunaqqatiminnut tunniusimallutik sullissiuarnerat akisussaaffimmillu ikiueqqaarsinnaanermut allaat ukiorpassuarni tigumminnittarnerat pillugu,

Siunnersuuteqartullu ersersippaa tamarmik taamaanngittut tamannalu ilumoorpoq, Inerisaanerillu ineriartortinneqarneranni malinnaatittuarnissaat ikiueqqaarnermut tunngasut Nunaqarfiit peqatigiiffiata KANUNUPE-p oqariartuutiguartagaai, matumani siunnersuuteqartoqarnerani akuutilluinnarnissaai siumumit pingaaruteqarluinnartut pisariaqavissutullu isigalugit akuutinneqassasoq KANUNUPE kissaatingaarput.

Ilaatigut Nunaqarfiit ataatsimeesuartinneqartarneranni pisariaqartitat tunngavingalungit Naalakkersuisunut inatsisiliortunut pisariartilluinnakkatik oqariartuutit, namminersorlutik oqartussat pingimmatikkat qaqinneqassasut siumumiik piumasarivavut sulinermilu tunngavittut ilanngunneqarnissaat piumasaralungu.

Ilaatingut saqqummiunneqartuartartoq Pipaluk suli ineriartorteqqinneqassanersoq imaluunniit killiffimmi angusat Nunaqarfimmiunik sulisunillu qanoq kinguneqarnerasoq misissorluarneqassasoq kissaatiginarpoq.

Aammalu kattuffiit soorlu KNAPK SQAPK SIK ilaatigut nunaqarfinni immikkoortortarfinni ilaasortanut neqerooruteqartarpoq ikiueqqaarnernik pikkorissaanissamik tamatumalu suli igerlattuarnissaa pinngittoorneqarsinnaanngimmat igerlattuassagaat kissaatingaarput.

Aammalu Nunaqarfimmi sullissivimmi sulisut kiisalu pisortat suliffeqarfiutaanni pisortasut assigiinngittutigit pikkorissarnernik igerlataqartuarmata ilanngullungu ikiueqqaarneq pikkorissaatigisarnera igerlanneqartuassasoq Siumumit pisariarlunnartut isingaarput.

Nunaqarfimmi innuttaasut qanimut susassareqatigiillutik ataqpeqatigiilluinnarlutillu ulluinnarni inuunertik igerlattuarmassuk qulaani taasavut igerlanneqartuarpata Nunaqqatigiinnut toqqisisimaneq suli annertunerussasoq qularutissaanngilaq.

Soorunami aamma kommune-t akuunissaat avaqunneqarsinnaanngittoq peqataajuarnissaallu matumani annertuumik pingaaruteqarput.

Aammalu inoqarfinnut angalallutik pikkorissaasartut Nunaqarfinnut amerlanernut orninguttarnissaat aqutissiuunneqartuassasut periarfissarsiuunneqartuassasullu Siumumiik suleqataaffingerusuppavut.

Naalackersuisut akissutiminni allannguutissamik siunnersuuteqarput, annerusumik siunertamik pingaaruteqartumik nikisitsisussaangittumik, taamaattumik Siumumiik qulaani taasavut innersuullugit ilanngunneqarnissaannik piumasaqarluta. Allannguutissaq siunnersuutillu tunngavia ataatsimut suliarineqassasut ataatsimiititaliamut susassaqtumut innersuussilluta siunnersuut taperserparput.

Karl-Kristian Kruse, Siumut